

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa, po ovlaštenju premijera Kantona Sarajevo, ministar Admir Katica, (u daljem tekstu: Ugovorni organ) i

"Centrotrans" d.d. Sarajevo, ulica Kurta Schorka br. 14, ID broj 4200153220003 koje zastupa generalni direktor Dr. sc. Safudin Čengić, (u daljem tekstu: Dobavljač)

UGOVOR

o javnoj nabavci usluga tehničkog pregleda motornih vozila za potrebe Ministarstva unutrašnjih poslova Kantona Sarajevo

Član 1.

Predmet ugovora je nabavka usluga tehničkog pregleda motornih vozila za potrebe Ministarstva unutrašnjih poslova Kantona Sarajevo.

Nabavka je izvršena na osnovu Odluke broj 01-11-4-538 od 01.02.2022. godine i Obavještenja o nabavci broj 1364-7-2-40-3-23/22 od 15.04.2022. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i odredbama Okvirnog sporazuma broj 01-11-4-538-6 OS od 28.07.2022. godine.

Ponuda Dobavljača broj 1/1891/22 od 27.07.2022. godine i Izvještaja o toku i završetku eaukcije od 20.05.2022. godine čine sastavni dio ovog ugovora.

Član 2.

Ukupna vrijednost ovog ugovora bez PDV-a iznosi 2.535,25 KM (dvijehiljadepetstotinatridesetpet i 25/100 KM).

Dobavljač se obavezuje na nepromjenjivost ponuđenih cijena tokom cijelog ugovornog perioda i da će pod istim uslovima u periodu trajanja ugovora pružati usluge tehničkog pregleda motornih vozila MUP-a Kantona Sarajevo.

Član 3.

Ugovorni organ će ugovorenu cijenu plaćati u roku od 30 dana od izvršenja usluge i dostavljanja fakture.

Član 4.

Dobavljač se obavezuje da će uslugu obavljanja tehničkog pregleda izvršiti u roku jednog dana od zaprimanja pisemnog zahtjeva Ugovornog organa.

Član 5.

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 6.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravak propusta Dobavljača.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Dobavljač nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 mjeseci po zaključenju ugovora, odnosno od početka realizacije ugovora.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.


Ovaj ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, a ne duže od trajanja okvirnog sporazuma.

Član 11.

Ovaj ugovor izrađen je u četiri istovjetna primjerka, od kojih po dva zadržava svaka strana.

DOBAVLJAČ
"Centrotrans" d.d. Sarajevo
direktor Dr. sc. Safudin Čengić

Broj: 11442/24
Dana: 22.01.2024.



UGOVORNI ORGAN
MUP KANTONA SARAJEVO

ministar / Admir Katica

Broj: 01-11-4-538-8
Dana: 09-01-2024